

❖ الجاء ❖

من يوم صدور العدد الاول والتقاريظ متواردة وقد اعذرنا
لاصحابها فلم يقبلوا وابوا الا نشر تقاريظهم فمع عدم الرغبة منا لنشر القصير
منها برمته ونقتصر على بعض طويل العبارة ونلحق ذلك بباب الادبيات
فمن ذلك تقريظ من فاضل اسكندري نسال الله ان يعجل له بالفرج
وحسن الخلاص . وهو

بشائر النجع في مصر قد انتشرت وطالع السعد بالاستاذ عزها
صحيفة نشرت بين الوري حكما فكر النديم خطيب الشرق ابرزها
فالصدق الفها والحق حالفها والفضل ارخ استاذ النديم زها
م . و سنة ١٣١٠ ١١٦٢ ١٣٥ ١٢

والبقية تنشر على التوالي ان شاء الله تعالى



سعيد وبخينه

س . ازيك يا بخينه انت خدامه فين اليوم . ب . ما فيش .
س . ما فيش خدم خالص . ب . ما فيش . س . ورايحه تعلمي ايه
دلوقت . ب . انا عارفه يا خويه ياريتنا فضلنا عند اسيادنا كنا قاعدين
مبسوطين ناكل ونشرب وننكسي اربعة وعشرين قيراط . س . ولكن
يا اختي كنا عبيد مذاولين وكانوا اسيادنا يضربونا ويعذبونا واما دلوقت
بقينا احرار وزينا زي اسيادنا جاتهم داهيه يا ما عملوا فينا . ب . صبح

انا بقينا احرار والحريه طيبه ولكن ما تدعيش على اسيادنا احنا جينا
 من بلادنا زي البهايم وهما اللي علمونا الكلام والحديث وعلمونا النضافه
 والاكل والشرب واللبس وعدلوا لساننا بعد ما كان الواحد يتكلم كلام
 ما حدش يعرفه . كثر خبرهم وشكر الله فضلهم . ويعني ياسيدي هما
 كلمهم كانوا بظالين اهم فيهم وفيهم . انا كنت عند ستي زي بنتها وكان
 سيدي اذا جه يضربني تتخافق وياه وتخبيني منه وكان ايدي بايديها
 في الاكل والشرب . يعني ما كانشي ناقص الواحده الا الحاجه دكبه
 س . لكن يا اختي ما تفتكريش لما كان الواحد منا كل يوم عند سيد
 والجلابه يورونا العذاب اشكال والوان . ب . يعني ياخويه كنا كل يوم
 عند سيدوا حنا دلوقت ما احنا كل يوم عند سيد الواحده ولا الواحد منا يخدم
 عند دا جمعه وعند الثاني شهر ودابر من بيت البك لبيت الشيخ لبيت
 الافندي لبيت الخواجا يعني الانسان دابر ملطمه وكان بيرضى بالامور
 اللي ما يصحش الكلام فيها ودا كلو من القلب . س . بقي على كده
 كنت تحبي الرق ولا تحبش الحريه . ب . انا موش احب الرق بس
 انا بافيس حالتنا وبهدلتنا دلوقت على الحاله اللي كنا فيها بالاتي فرق
 بعيد . واما الرق انا سمعت من سيدي الثاني وهو عالم طيب كان
 سألني وقال بلادكم مسلمين ولا ايه قلت لو مسلمين قال بقي ما يجوزشي
 افتراش الواحده منكم الا بعقد فان الاسترقاق باطل وسمعته بتكلم ويا
 واحد عالم كلام كتير في الجلابه وخطفهم اولاد المسلمين ويهمهم ولكن
 راح من بالي دلوقت فانا اعرف ان الحريه طيبه ولكن مسئله عنقنا وتركنا

في السكك دي بطاله كثير . س . والله كلامك صحيح لو كانت
الحكومة بدال ما تسيبنا بطالين تجمعنا وتعطينا اراضي بور من الاراضي
الميرية في بربة بلقاس وسيدي غازي والمندوره واراضي البحيرة الواسعه
وتعطينا مواشي وآلات وتتمنهم علينا واما يطلع المحصول نسدد المطلوب
شيء فشيء كانت تحبي بنا اراضي كثير وتحبي انفس كثير وسنه في سنه
تعمر الارض ويبقى فيها بلاد وتأخذ من اولادنا عسكر ومن الصنایعیه
ويركو وتضرب على الاراضي ضريبه زي ما بيعمل السلطان انا سمعت انه
جاب الناس اللي طلخوا من بلادهم ودا لهم ارض في حوران وفي الشوبك
وفي البلقا وصرف لهم فلوس جابو بها بهائم وآلات وعمروا الارض وبنوا
فيها بلاد كثيره وصار ياخذ منهم الخمس ويترك لهم الباقي حتى صبجوا
ناس وكسبت الدوله بلاد وفلوس وبني آدم . فلو كنا نعمل زيهم تكسب
الحكومة مكسب طيب واحنا نلم بعضنا ونجوز بعض ونقعد متهنين
. ب . اي والله كلامك طيب يا سعيد وقول حاجه كان . لو كانوا
لما يعنقوا الواحد منا يعظوه لسيده وياخدو عليه تعهد انو ما يضربناش
وكنا نرجع نقعد ويا اسيادنا الا الواحد منا ساعة ما يطلع من عند سيده
يفتكر انو طلع من جهنم ويفرح بالعنق ولكن يبات ويصبح يضرب راسه
في الحيط . س . انت ترجعي ونقولي اسيادنا اسيادنا احنا مالنا ومال
اسيادنا هأ في حالهم واحنا في حالنا قولي لو كانوا الجماعه الاغنيا يعملوا
جمعية تجاره ويجمعوا فلوس من بعضهم ويفتحوا لنا محلات شغل نشغل
فيها بالاجره وكان اهل البلاد يساعدهم ويشتروا الحاجه اللي نشغلها

كانت العبارة تبقى معدن خالص . ولا لو كان الجماعه المقاولين يجمعونا
 ويعملونا فرق وكل فرقه لها شيخ وكل ما ياخذو مقاوله ترعه ولا عملية
 جسور او قناطر يستعملونا في الاشغال من تحت ايدهم واحنا يا رجالة نلم
 اخواتنا النسوان نجوزهم ونقعد بهم في حته كانت تبقى عال . واما مسئله
 الخدمه في البيوت دي صارت هزيان والخدامين كثير من البرابره
 والصعايده واولاد البلد . ب . مش نقول الخدامين كثير قول الواحده
 منا تخدم لما تموت وكل جريها رايح الخدم ولا الخدمه . لاني لما اقعدها
 عندها جمعه ولا اثنين على ما يجي واحد ياخذني تكون عملت عليه
 حسبه طويله في الاكل والشرب وما يلحق الواحد يسند لما يطالع من عند
 سيده ويرجع لها وهيا ترجع تحسب على الواحد زي ما يعجبها تلاقينا
 ما احنا عارفين نعمل ايه ولا يفر كشي الاولاد اللي طلوعوا تلفانين دول
 افكر في الناس الطيبين منا يا ما نسوان ما هي راضيه تفرط في عرضها
 وعلى شان كده تلاقيا كل يوم في بيت وياما جدعان يعجبوك في
 المرجه ولا يجبوش الكلام الفارغ ولا بتوسطو فيه وتلاقيهم دايرين ملظمه
 ودا اكن الناس دلوقت بقت بطاله ومسله الحرام والحلال دي بقت
 عندهم كلام فارغ آهو كل من طاب لوشي يعملو وزى ما تجي تجي . س .
 احنا ننشر كلامنا دا في الاستاذ ونشوف اهل المرؤه يعملوا لنا ايه اياك
 الناس المتقدمين والاغنيا يسعوا لنا في حاجه طيبه ونبقي زي الناس
 وربنا يجزيهم عنا خير